

錦州李雨村選

蜀雅

億書樓藏板

蜀雅序

今之論人文者皆以爲取材必於鄧林視鳥必於藪澤固已然而閩風元圃不借高於址丘懸黎結綠不假觀於瓊琨何者拘井谷之隘不知辰極之高也澄秋毫之視不見寥天之濶也吾蜀詩亦然自漢唐以來白家騰躍指不勝屈最著者如漢司馬相如揚雄唐李白陳子昂宋蘇洵父子元虞集明楊慎作爲文章類皆沉博絕麗雄視百代構深瑋之風立騷壇之表洵古今來文雅之淵藪也殘膏餘馥不知沾丐後

人幾許而賤目貴耳者顧謂今不如古方隅之別也
豈不悖乎慨自明末獻賊之亂衣冠文物半委青羊
我朝定鼎休息百餘年來英才蔚起而岷峨之氣
又磅礴而鬱積之故往往轍古切今不少鴻章巨製
軒翥奮飛和聲以鳴太平之盛而以巴爲矍多不入
採風之聽則是鍾期亡而伯牙之絃絕優人歿而匠
氏之斤輟非作之難知之難也若不爲之網羅而表
張之有不泯於荒烟蔓草者幾何余束髮授書來卽
矢此志廣搜遠採靡不收錄披沙揀金閱有歲時彙

爲一冊統名曰蜀雅大半理不空綺清麗居宗句不
賈竒渾潤爲上登大雅而刊淫哇此中具費苦心也
雖丹幃接蔭醜姿可翳朱漆錯塗枯木或隱然而出
汗泥者要皆寶光劍氣譬之止水之修鱗必現名之
美者實必歸也司馬楊雄之徒去今未遠風雅之道
豈遂墜乎若夫覽此篇者存町畛之分索吹毛之垢
則所謂播塵埃於白珪生瘡痂於玉肌者亦聽之而
已吾安能以人人之性情爲我之性情哉是爲序

乾隆四十六年歲次辛丑孟冬月羅江李調元雨村

蜀雅卷一

羅江李調元兩村選

呂大器

大器字儼若號東川遂寧人崇正戊辰進士

官至吏部尚書大學士入國朝自稱東川

老人有塞上草

王漁洋皇華紀聞呂公蜀人明末總督江楚駐九江會左

良玉避賊鋒迢遙江上以病自託楚撫王楊

基至臥內視之良玉使二婢跣腳襁塞自如

呂公至不即起謁命子孟庚代叅呂公叱之

曰而父病軍事不可曠軍中有可代者以名

來吾立疏以聞即疏遊擊盧鼎各將上之良

玉怒史公可法移書勉以文武和衷大器以

一扇遺左欵書東川老人四字而已未幾朝
議改袁繼咸爲督大器以兵書內召儼若
有才督江西時密布方畧遣將於衢袁萬載
萍澧諸路撲賊殆盡然善避事見天下方亂
王疏自言好酒色財不可用科臣馬嘉植劾
之事見明史以艱歸哀毀入本朝未幾卒
詩多橫槩之氣時露粗服然秀拔堅渾終是
唐人格調不落宋元以下蹊徑靜志居詩話
公驅馳南北盡瘁行間五言如野寺依巖立
官衙傍水開孤燈寒殿壁落月映山城土瘠
蟬吟屋林疏月上扉野狐衝馬立山鬼伺人
驕精衛悲銜土鷓鴣啼滿山雲烟春尙在
烽火晝相連淚盡銅駝棘歌殘玉樹花豈無
丹闕戀終抱白雲思忠孝之誠溢于言表

晚至閬州

葉嘉陵下冰心對綠漪。豈無丹闕戀終抱白雲思。

輕艇星前導。微波天暗移。南池千萬折。懷古一增悲。

昭化縣

不堪百戰後。寥落兩三家。白骨堆荒草。青燐亂晚霞。
高城行鳥雀。古廟困蒹葭。羣盜中原徧。愁心未有涯。

音旨俱極凄壯。逼似少陵。

泊畧陽下灘

祇爭一帶水。尙枕小溪眠。漁火穿江出。村烽帶月傳。
孤城還屹爾。白叟半蕭然。回憶垂陰處。森森俯大川。

寧遠

唐帝故里

唐代新豐市。千年霸業非。誰從歌鳳德。相對有鶉衣。
土瘠蟬吟屋。人疎月上扉。傷心興廢地。落葉不堪飛。

蘧江

孤身行萬里。驛路怯星輶。樹密烟邨小。沙平水岸遙。
野狐衝馬立。山鬼伺人驕。漸喜南州地。猶看聚晚潮。

潭市

曲澗涵秋雨。人家水鏡中。蜂房緣石竇。虬樹繞花叢。
農事悲荒土。鄉心寄暮鴻。徘徊萬里路。何日到春風。

湘潭道中

世路原多險。况經巉磳行。日從當午見。雲向漏天生。
果熟猿朝暮。花深鳥送迎。何時出暗谷。一望大江平。

閒居

好山當面出。知我在幽軒。煨芋聊充飯。烹泉不問源。
譚元藏史李。學稼小人樊。數得林間趣。花開鳥亦言。

晚次江門

世事何年定。江臯且振衣。樹紅橙子熟。濤白鯉魚肥。
獨鳥衝烟去。殘霞壓岸飛。邨醪無處得。空對月光輝。

舟中聞笛

夢餘猶枕午風涼。野笛何心欲斷腸。萬里一身秦塞柳。扁舟五月玉門霜。故園去去雲山盡。白髮珍珍道路長。不比笳聲頻入耳。擬邀子野到征航。

陽平關酬友人席仲材

山河百二劍鋒摧。漢上猶思召父來。短綆終無弭亂策。中流空詡濟川才。子遺聊與鷓鴣枝。寄大力還須鵬背。回畚築當年亦細事。漫將涕淚灑荒萊。公築陽平關以撫流

移惜後無有葺之者結語聲淚俱下

渡臯蘭作

相隨洮水渡蘭津。高柳垂條麥浪勻。玉塞西馳尊八
極。黃河逆轉壯三秦。應教滴博歸荒服。更遣輪臺置
守臣。此日神州煩擘畫。且從徼外洗烟塵。

雪山

光搖旌旆五涼平。天外羣峯玉削成。瀚海欲空青見
月。燕支未染白如瓊。飛鴻已度長城窟。勒馬還歌出
塞行。朱夏重裘猶不解。崆峒倚劍自崢嶸。

鎮羌道上有感

鷹眼何堪秋草枯。姑臧清節至今無。籌邊不肯空談

虎策國豈容先問。狐已許此身嚼塞雪。那教家夢到

江鱸雄風歌罷秋聲壯。古驛亭前倚湛盧。

時甘帥不
法甫入境

即行論奏
具見平稜

早發古浪

水剩山殘接大川。平沙一望不分天。何從去覓金屠
澤。且喜來無鐵箭傳。秋草正肥驕塞馬。寒膠可折勁
霜弦。孤城昨夜隄防密。鼓角聲高壓遠邊。

雙塔道上

七月柳青麥未黃。江南花盡塞西霜。一灣清玉流殘

磧萬里寒沙。築大荒。劍舞明星。緣露淬。弓灣新月。倚
風強。白狼西去。烟初靜。莫唱涼州客思傷。

靖邊作

鳴沙萬里憶芙蓉。午夢猶酣客思慵。戍卒秋新將飲
馬將軍。歲久不傳烽。停車無計綢繆戶。乘傳頻勞進
午糇。獨坐帳中驚白髮。何堪砌下響秋蛩。

五涼郊行

旌旗晝捲出城闌。緩帶無妨步塞塵。石列魚鱗能次
序。山垂瑪瑙自嶙峋。玉川宛轉歸王國。金塔高嚴類

古人莫謂黃沙春不度。朔雲邊柳自芳辰。

落索河有感

百折波濤險一浚。山澗清天高雲黯淡。巖老石崢嶸。
古洞都成穴。諸峰盡築城。版圖猶蜀界。風土半秦聲。
杜宇啼方歇。銅駝歎未傾。旌幢連赤縣。烽火到神京。
嫫婦徒存恤。羣臣孰請纓。傷予才畧淺。深媿李西平。

黑松嶺

漠漠濃烟罩萬松。逶迤秋嶺盡成龍。聲寒鐵騎千軍
肅。一線遙看古戍峰。

采石磯晚眺

磯頭誰忍坐垂綸。天送閒緣一葉身。烟護萬松三月雨。水圍千舍六朝人。

胡世安

世安號菊潭井研人。崇正戊辰進士。入國

朝官。至大學士。著有秀巖集。石芝軒偶存容

竹居偶存。譯我籟異魚圖贊補箋。

和陳實菴同年續我遊夢

昔年襍噩夢。曾賦憶我。行天假烟霞。供人寒猿鶴。盟

詩瓢雖早辨。斗室未垂成。忽覺移文至。慙余伴俗情。
三遊有譯籟。夙締亦殷勤。靈稱非私我。幽探若待君。
陰晴山態易。黑白水情分。到者無他侶。逢迎只素雲。
勝峯雲海涵。培塿赤城標。騎鞍方追葛。驂鸞亦遇蕭。
蒼遲慶北秀。夏減日南驕。旅夢依青岫。評題總寤描。
齒嶠乘風便。寒潭濯鼻澄。山朝聞靜籟。樹古引蒼藤。
躡蜴充龍號。貌貅學犛登。同人隨降陟。濟勝具偏增。

李

鑑

鑑字涵白安縣人崇正戊辰進士累官宣雲